

23 APRILIE

**ACATISTUL
SF. MARE MUCENIC
GHEORGHE
DE LA CAPADOCIA**

ACATISTIER-GG



დაუჯდომელი საგალობელი წმიდისა დიდისა მოწამისა და ძლევაშემოსილისა მოწამისა გიორგისი

კონდაკი 1

უგალობთ ღუაწლთა შენთა, მკნეო მოწამეო იესუმსო, და წმიდასა ჯსენებასა შენსა ვადიდებთ, ხოლო რომელთა ესე მოვიდეთ შენ მიერ ჯსნამ, გიხაროდენსა მადლობითა შევსწი-რავთ შენდა, ახოვანო, და ვითარცა მსწრაფლ-შემწისა მიმართ მოლტოლჯლნი და სიყუარუ-ლითა მოსრულნი, სახელოვანსა და ყოვლად დიდებულსა საკრველებათა მიერ, მკურვალედ გილადადებთ: გიხაროდენ, ძლევაშემოსილო, დიდო მოწამეო გიორგი!

იკოსი 1

ჰბრწყინავ ნათლითა წამებისათა, ქრისტჳს მკედარო, მკნეო სულითა, და გზრგვნითა მარტვლთათა შემკული ელვარედ მდგომარე ხარ წინაშე ღმრთისა, მას მხოლოსა ევედრე აწ ცხოვრებად და განათლებად ღირსად მგალობელთა სიწმიდისა შენისათა, რათა ყოველთა უწყოდინ, ვითარმედ სიკუდილისაცა შემდგომად ცხოველ-ხარ და ნუგეშინისცემასა და მკნეობასა მიჰმადლებ სარწმუნოებით მგალობელთა:

გიხაროდენ, რჩეულო ღმრთისაო, და ჰეშმარიტო და საკრველო მკედარო მეუფისაო;
გიხაროდენ, ზეცადმდე აღწევნულო სუეტო მართლისა სარწმუნოებისაო;
გიხაროდენ, კანონო სიმართლისაო და ნუგეშინისცემისაო;
გიხაროდენ, ზღუდეო მამაცობისაო და გოდოლო შეუმრველო სიმკნისაო;
გიხაროდენ, ჰურო კეთილისა ზნეობისა და გონიერებისაო;
გიხაროდენ, ას-წილად აღმორძინებულო შენდა მოცემულისა ტალანტისაო;
გიხაროდენ, მბრძოლო უბრძოლველო მძწვარისა მის ბელიარისაო;
გიხაროდენ, მახვლო შეუმუსრველო ქართლოსიანთა მკედრობისაო;
გიხაროდენ, კეთილმუშაკო ქრისტჳს ვენაჯისაო;
გიხაროდენ, უშურველო წყაროო წყლისა ცხოველისაო და ზღუაო კაცთმოყუარებისაო;
გიხაროდენ, უძლეველო წინამბრძოლო ქართველთა ერისაო და მფარველო ჩუენისა ეკლესიისაო;
გიხაროდენ, ძლევაშემოსილო, დიდო მოწამეო გიორგი!

კონდაკი 2

ნათელსა განეშორნეს და შეუდგეს ბნელსა უღმრთონი, რამეთუ განჯდა ბრძანებად ყოველსა სოფელსა, რათა ღმერთსა ცხოველსა არა მსახურებდეს, არამედ კერპთა უსულოთა, გარნა შენ იხილე რად ეგოდენი უღმრთობადა და ქრისტჳს მბრძოლი გონებადა მათი, ღმრთისა სიყუარულითა მიეც მონაგები შენი გლახაკთა, ხოლო თავი შენი მსხურებლად სათნოდ ქრისტესა და აქებდი ძლიერებასა მისსა: ალილუია.

იკოსი 2

რაჟამს დაადგრა შენ თანა საღმრთოდ სული საკრველთმოჰმედი, მინდობილი ღმერთსა ჰეშმარიტსა არა შემრწუნდი ზარისგან უმჯულომსა მეფისა და არცა განმზადებულთა მათ სატანჯველთაგან, არამედ აღმსაარებელი ქრისტჳსი კადნიერად წარსდეგ წინაშე მზაკუვარისა კრებულისა და ამხილე კერპთმსახურებადა, ეგრეთვე აწ მოვედ ჩუენდა, სულითა უძლეველო, და მოგვეც გულისკმად შეცოდებათა ჩუენთა, რათა არა დაგვეხმას ბჰენისასუფეველისანი შემსხმელთა შენთა:

გიხაროდენ, კაჰადუკიასა აღმოცენებულო და პალესტინასა შინა კეთილად აღორძინებულო;
გიხაროდენ, საუფლოთა ვნებათა ტრფიალებითა მოწყლულო;

გიხაროდენ, მოწყალებითა და სარწმუნოებითა განწმედილო;
გიხაროდენ, საღმრთოთა გულისწმის-ყოფითა განათლებულო;
გიხაროდენ, სიმწნისა მამაცობისა ძლიერებითა გაბრწყინებულო;
გიხაროდენ, ქრისტეს ჯუარისა მკართა შენთა ზედა აღმდებელო;
გიხაროდენ, თვსტომთა შენთა შორის საღმრთოთა სწავლათა განმფენელო;
გიხაროდენ, მსგავსად დავითისა უცხო-თესლთა დამცემელო;
გიხაროდენ, მკედრობითისა ვაჟკაცობისა მასწავლელო;
გიხაროდენ, გლახაკთა ლოცვითა შეჭურვლო და უძლურთა უღონოებისა მტკრთველო;
გიხაროდენ, უძლველო წინამბრძოლო ქართველთა ერისაო და მფარველო ჩუენისა ეკლესიისაო;
გიხაროდენ, ძლევაშემოსილო, დიდო მოწამეო გიორგი!

კონდაკი 3

უხილავთა მათ აღთქმულთა საშუებელთა წინადასწარ მხედველ-იქმენ თუალითა სულისადათა, ახოვანო და მოღუაწეო, და არად შერაცხენ წარმავალნი საშუებელნი ამის საწუთრომსანი, არამედ მსგავსად მკსნელისა შენისა ნებსით თვსით მიისწრაფდი ღუაწლთა მიმართ და დილეგსა შინა შეწყუდეული, ვითარცა საყდარსა მყოფი, ყოვლისა შემოქმედსა ჳმა-მაღლად უგალობდი: ალილუია.

იკოსი 3

ვითარცა ვარდი სულნელი, ფერთა შუენიერთა გამოსჩნდი შენ ეკალთაგან უნაყოფოთა, და ვითარცა სანთელი, აღენთე შორის ბნელსა ნათესავთა მათ უგულისწმოთა, შუენიერო დიდებაო მოწამეთაო, და სძაგებდ განცხადებულად კერპთა მათ მტყუართა, რამსთვს აღემზადნეს მოკლვად შენდა, გარნა შენ ლოცვითა და სასოებითა ღმრთისადათა სული შენი განიმტკიცე და მრავალ-ფერნი სატანჯველნი ხრწნილთა ჳორცთა ბუნებითა დაითმინე, ამისათვს გხადით შენ მეოხად ღმრთისა მიმართ და ესრეთ გიდალადებთ:

გიხაროდენ, საღმრთოსა სჯულისა საცნაურად დამცველო;
გიხაროდენ, კეთილისა განზრახვისა გულსა შინა შენსა დამდებელო;
გიხაროდენ, მართლმადიდებლობისა სარწმუნოებისა ვაზისა დამნერგველო;
გიხაროდენ, ტყუეობასა შინა სულისა აზნაურებისა დამმარხველო;
გიხაროდენ, ღუაწლთა და განსაცდელთა ახოვნად თავს-მდებელო;
გიხაროდენ, ქრისტესთვს ყუედრებისა და კიცხვისა დამთმენელო;
გიხაროდენ, სულთა განმხრწნელთა სწავლებათა დამამჯობელო;
გიხაროდენ, ბოროტისა უკრძალველობისა და ურცხვინოებისაგან დამკსნელო;
გიხაროდენ, სატანისა მაჭეთაგან და უცხო თესლთა ზედა მოსლვისაგან დამცველო;
გიხაროდენ, მზაკუვარებისა დამლახვრელო და ეშმაკთა მსწრაფლ განმსკმელო;
გიხაროდენ, უძლველო წინამბრძოლო ქართველთა ერისაო და მფარველო ჩუენისა ეკლესიისაო;
გიხაროდენ, ძლევაშემოსილო, დიდო მოწამეო გიორგი!

კონდაკი 4

არა ინება მოქცევად სიბრძმისაგან და სიფიცხლისა მეფემან უგუნურმან, არამედ შენ ბრწყინვალისა და ძლიერისა ჳმითა აღიარებდი ქრისტესა ღმერთად, კერპთა ეშმაკად სახელ-სდებდი და ყოველსა სიბრძმესა მას ამხილებდი, რომელნი სიცრუვითა ღმერთად სწამებენ არაღმერთთა, ყოველთა ღმრთისა მიმართ მოუწოდდი და სამწმიდითა შესხმითა ადიდებდი ყოვლად წმიდასა სამებასა: ალილუია.

იკოსი 4

ესმა რად სმენად სიტყუათა შენთა მძლავრთა, სირცხველუ-იქმნნეს ფრიად, რამეთუ ღმერთნი მათნი

გინებულ-ჰყვენ და საცინელად გამოაჩინენ, ხოლო ქრისტე ღმერთი ჰქადაგე ჯორცითა ჯუარცმული, უქმ-
მყოფელი სულთა წარმწყმედელისა საცთურისა და მარადის ლოცვითა შეზღუდვილმან დაამკუე სილაღწ
იგი მაცთურისა, ეგრეთვე აწ აღანთე გულსა შინა ჩუენსა საღმრთოდცეცხლი მოშურნეობისა, რაათა
სურვილითა შენითა ვიღუაწოთ ახოვნებითა და ვიტყოდეთ წადიერებითა:

გიხაროდენ, მხილებისა მახვლითა კერპთმსახურთა განმგმერელო;
გიხაროდენ, სარწმუნოებითა მტკიცითა მძლავრთა უღმრთოებისა განმაქიქებელო;
გიხაროდენ, შეურყეველითა მწნეობითა ყოველთა განმაკვრეველო;
გიხაროდენ, ღმრთისმეცნიერებისა ნათლითა კერპთმსახურთა წყუდიადისა განმანათლებელო;
გიხაროდენ, არა-ცხოველისა და ნელ-ტფილისა სარწმუნოებისა ჩუენისა განმაცხოველებელო;
გიხაროდენ, ქურითა ნუგეშინისმცემელო და ობოლთა გამომზრდელო;
გიხაროდენ, მუშაკთა ნაყოფიერყოფელო და გლახაკთა განმკითხველო;
გიხაროდენ, ტყუეობისაგან და მძლავრთა მონებისაგან მრავალთა სულთა გამომკსნელო;
გიხაროდენ, საღმობათა განმაქარვებელო და უღმრთოებისა სიმყრალისა განმძდელო;
გიხაროდენ, ცრუმორწმუნეობისა ბიწისა აღმწოცელო;
გიხაროდენ, უძლეველო წინამბრძოლო ქართველთა ერისაო და მფარველო ჩუენისა ეკლესიისაო;
გიხაროდენ, ძლევაშემოსილო, დიდო მოწამეო გიორგი!

კონდაკი 5

დაეყუნეს ყურნი მეფესა განბოროტებულსა, მსგავსად ყრუმსა ასპიტისა, რამეთუ არა ისმინა ჳმად შენი -
კეთილად მეტყუელისა ბრძნისა, და ბრძანა ძელსა დამოკიდებად შენი და ლახურითა განგმერად, გარნა
ღმერთმან საკვრველბათამან ცუდ-ყო განზრახვად მისი და გიგმირეს რად, მეყუსეულად უკუნ-იქცა წუერი
იგი ლახურისა, ვითარცა ცვლისა, და ჯორცთა შენთა გამოეცა ცუარისისხლისა, ხოლო შენ საკვრველად
დაცული მადლობასა აღავლენდი ღმრთისა მიმართ მადლისა და ადიდებდი მოწყალეობასა მისსა: ალილუია.

იკოსი 5

კულად აღივსო დიოკლეტიანე გულისწყრომითა დიდითა და ბრძანა ფერჯთა შენთა ხუნდსა შინა შეყრად და
მკერდსა ზედა ლოდისა დადებად, ხოლო შენ მადლითა ჳმითა მადლი და დიდებად შესწირე ღმერთსა,
რამეთუ ღირს-გყო მკერდსა ზედა ტვრთვად მძიმისა ქვისა და გულსა შენსა შეურყეველად დამტკიცებად
მართლისა სარწმუნოებისა, გარნა ქრისტემან განგკურნა წყლულებათაგან და განგამლიერა შენ, რაათა
ყოველნი, რომელთა იხილეს საკვრველბად დიდი, განმტკიცდეს და ვითარცა ტარიგსა ღმრთისასა
სარწმუნოებითა გნატრიდეს:

გიხაროდენ, დაუცადებელითა ლოცვითა ეშმაკისა ცთუნებათა განმდევენელო;
გიხაროდენ, ზეცისა იერუსალჴმისათჳს ტანჯვათა დამთმენელო;
გიხაროდენ, სასოებითა ღმრთისათა მტერისა აღლესულისა საჭურველისა დამლეწველო;
გიხაროდენ, მოგუთა გრძნებისა დამარღვეველო და სიცილისა მათისა ძლევით მამხი-ლებელო;
გიხაროდენ, ერთგულთათჳს პატივისა მიმნიჭებელო და ორგულთა დამამდაბლებელო;
გიხაროდენ, უძლურთა ძლიერებაო და მძლავრთა დამცემელო;
გიხაროდენ, მოყუასთა შემაერთებელო და მტერთა დამლახვრელო;
გიხაროდენ, უმშჯაროდ სიკუდიდ განწირულთა თანამზრუნველო და მფარველო;
გიხაროდენ, პატიოსნებისა და მამაცობისა დამნერგველო;
გიხაროდენ, ბოროტთა ზნე-ჩუეულებათა აღმკვეთელო;
გიხაროდენ, უძლეველო წინამბრძოლო ქართველთა ერისაო და მფარველო ჩუენისა ეკლესიისაო;
გიხაროდენ, ძლევაშემოსილო, დიდო მოწამეო გიორგი!

კონდაკი 6

ფრიად მრავალთა მათ განსაცდელთა და საზარელთა სატანჯველთა, შეთხზულთა ღონითა მით ეშმაკისადათა ვერ დაგვეს შიში საზარი მოღუაწესა, რამეთუ ქრისტესათჳს ჰბრძოდი მათ და ანგელოზნი გფარვდეს შენ, არამედ შიში და ზარი ბელიარსა დაეც და განაქარვე, ვითარცა ცვლი წინაშე ცეცხლსა, შემწველსა ქრისტეს წინააღმდეგომთასა, და აქებდი განმადლიერებელსა შენსა: ალილუია.

იკოსი 6

დაკუეთილნი რვალისა ჭურჭელთა მიერ ჯორცნი შენნი და აღლესულითა დანითა თვთეულად დაჭრილნი იხილენ-რამ სულითა განმწნობილმან, აღაპყარ თუალნი ზეცად და დაღად-ყავ: „მომხედენ მონასა შენსა, ღმერთო ჩემო, და შემეწიე, რაათა არა ვიძლიო ბოროტისაგან“, მაშინ მსწრაფლ გესმა ჳმამ საწადელი დაუსაბამოსაგან: „გიორგი, მე მარადის შენთანა და შენ ჩემ თანა უკუნისამდე“, და ჳულადცა განგაახლა, მისგანვე ითხოვე, სანატრელო, ერისა ჩუენისათჳს ჳსნად ფლობისაგან უცხო თესლთასა და წყალობად შენდამი მგალობელთა:

გიხაროდენ, სასწაულთა შენთა ელვარებითა ყოვლისა სოფლისა შემამკობელო;
გიხაროდენ, წინააღმდეგომთა სიცოფისა არარად შემრაცხველო;
გიხაროდენ, მღვძარედ და ფხიზლად ცხორებისა შემაგონებელო;
გიხაროდენ, ბოროტად მადიდებელთა კადნიერებისა შემმუსრველო;
გიხაროდენ, სიწმიდისა შემბილწველთა და ქრისტიანობისა განმრყვენელთა შემრისხველო;
გიხაროდენ, ყოველთა მიმძლავრებულთა და ჩაგრულთა მფარველო;
გიხაროდენ, სიმართლისა მოძულეთა და ბოროტისა კუთილად დამდებთა მარცხვენელო;
გიხაროდენ, ცოდვისა მოყუარეთა კაცთათჳს თავშეკავებისა სიტკბოებისა მასწავლელო;
გიხაროდენ, მძლავრთა კაცთ-მოძულეთა მთავართა და მსაჯულთა მამხილებელო;
გიხაროდენ, მათ მიერ უსამართლოდ დევნულთა მწყალობელო;
გიხაროდენ, უძლეველო წინამბრძოლო ქართველთა ერისაო და მფარველო ჩუენისა ეკლესიისაო;
გიხაროდენ, ძლევამოსილო, დიდო მოწამეო გიორგი!

კონდაკი 7

ოდეს დაგმსჭუალეს შენ ურმისთუალსა მას საშინელსა, უშჯულონი ჰგონებდეს, რაათამცა მოგაკუდინეს, არამედ ჳულადცა განიკურნე მოსლვითა ანგელოზისა ღმრთისადათა და განახლე-ბული და ბრწყინვალე წარსდეგ წინაშე მეფისა და მაგნეტიოსისა, მეგობრისა მისისა და მრთლად გამოჩინებითა მრავალნი მიიტაცნე სარწმუნოებად ჳეშმარტისა ღმრთისა, ხოლო მათ მახვლითა აღსასრული მიითუალეს და იხარებენ და გალობენ წინაშე მისსა: ალილუია.

იკოსი 7

შემრწუნდა უგულისჳმოდ იგი მეფე და დასი მისი, რამეთუ დამდოვრდეს სატანჯველნი მათნი არა ვნებად შენდა და ლიქნით იწყეს სიტყუად შენდა მომართ: „გიორგი, აწ გუერჩდი ჩუენ და გადიდოთ შენ“, გარნა შენ ამხილებდი ცთომილებასა მათსა და ეტყოდი: „დიდებად თქუენი თქუენდავე იყავნ, უღმრთონო, წარსაწყმედელად თქუენდა“, და უწყალოდ გუემული ქებით აღამადლებდი ღმერთსა, რომელსაცა ევედრე აწ დაცვად განსაცდელთაგან ბოროტთა მოსავთა შენთა და სურვილით მგალობელთა:

გიხაროდენ, სულიერისა მღვძარებისა ზარისა დამარისხებელო;
გიხაროდენ, საკერპოთა ველურობისა კადნიერად დამჳსნელო;
გიხაროდენ, მანქანებათა მათ სიცრუვისადათა დამარღვეველო;
გიხაროდენ, დილეგისა სიბნელისა და კრულებათა ახოვნად დამთმენელო;
გიხაროდენ, ჳირთა და ურვათა საჯუმილისა დამშრეტელო;
გიხაროდენ, განსაცდელთა და ღელვათა დამაყუდებელო;

გიხაროდენ, ყოველთა ურწმუნოთა პირისა დამაყოფელო;
გიხაროდენ, სოფლისა დელვათაგან შერყეულთა და შეგინებულთა გულთა დამამშვებელო;
გიხაროდენ, სანთელო, გონიერთა განმანათლებელო და უგუნურთა დამწველო;
გიხაროდენ, ყრმათა ყოვლისა სიბილწისა და მანკიერებისაგან დამცხნელო;
გიხაროდენ, უძლეველო წინამბრძოლო ქართველთა ერისაო და მფარველო ჩუენისა ეკლესიისაო;
გიხაროდენ, ძლევაშემოსილო, დიდო მოწამეო გიორგი!

კონდაკი 8

ვითარცა ელისე ელიადსა ხალენითა მსწრაფლ განაპობდა მდინარესა, ეგრეთცა ჯუართა განაპე ურწმუნოებისა სიმძლავრეთა მდინარენი, რომელსა შინა განვლეს მრავალთა ერთა, რამეთუ არა მხოლოდ ცოცხალი ოდენ და სულიერი, არამედ ყოვლითურთ უვნებელი გიხილეს, ახალ-დამბალსა კირსა შინა, ცეცხლისა სახედ მოტყინარესა და განკვრებულთა ჳმა-ყვეს: „ჭემმარიტად დიდ არს ღმერთი ქრისტეანეთა“, ხოლო შენ, მსგავსად სამთა მათ ყრმათა, საჯუმილსა შინა სიმჭურვალჭ ცეცხლისად შეურაცხ-ყავ ახოვნებით, და სამადლობელი გალობად შესწირე ღმერთსა: ალილუია.

იკოსი 8

უბრძანა მეფემან უგუნურმან ფრიად განკურვებად ჳამლთა რკინისაათა, განმსჭუალულთა სამსჭუალეებითა და შესხმად ფერტთა შენთა პატოისანთა, რომელ ილოცევდ: „ყვენ ესე მქსნელ ფერტთა ჩემთა, სანთელ აღნთებულ და გზად მორბედებისა ჩემისადა შენდა მომართ“, ხოლო ანგელოზნი მხიარულ იქმნეს კეთილთა მათ მოლუაწებათათჳს შენთა და განგკურნეს ყოველთაგან სატანჯველთა, ამისთჳსცა ევედრე ღმერთსა, ანგელოზთა მიერ განდევნოს ჩუენგან ყოველი ბოროტი და დაგვიცვეს ყოველთაგან განსაცდელთა, რათა ვპოოთ განსუენებად და შუებად წარუვალი ქებით მადიდებელთა შენთა:

გიხაროდენ, საუნჯეო სულისა წმიდისაო;
გიხაროდენ, მესაიდუმლეო ღმრთის მხილველობისაო;
გიხაროდენ, აღმსარებელო დევნილისა სარწმუნოებისაო;
გიხაროდენ, მკნედ განმზასრველო კაცთა ხელოვანებითა შეთხზულისა შჯულისაო;
გიხაროდენ, შეურაცხ-მყოფელო რკინისა სიმახზლისაო და ცეცხლისა სიმჭურვალისაო;
გიხაროდენ, გონიერო ანდამატო მოთმინებისაო;
გიხაროდენ, მაგალითო საღმრთოდას მვედრობისაო;
გიხაროდენ, მეოხო მჭურვალეო მორწმუნისა ერისაო;
გიხაროდენ, ძლიერო შურისმგებელო ქართლოსიანთა მტერისაო;
გიხაროდენ, ცოდვისა ზღუასა შინა დანთქმულთათჳს ნავთსაყუდელო ჳსნისაო;
გიხაროდენ, უძლეველო წინამბრძოლო ქართველთა ერისაო და მფარველო ჩუენისა ეკლესიისაო;
გიხაროდენ, ძლევაშემოსილო, დიდო მოწამეო გიორგი!

კონდაკი 9

შენ მიერ აჩუენა ღმერთმან უღმრთოთა მათ საკვრველი სასწაული, და ლოცვთა შენითა აღადგინა საფლავით მკუდარი დაძუელელებული და ურწმუნოებითა დაძინებული კერპთმსახურებასა შინა, რომელი გამადლობდა-რად, ვითარცა ღუაწლისა-მძლესა, უარისყოფითა შეაჩვენებდა კერპთა უსულოთა და ჳმა-მაღლად აღიარებდა ქრისტესა ღმერთად, ხოლო ათანასე გრძნებასა ზედა განთქმული, მყის მოიქცა, ძლიერებითა ღმრთისაათა უქმ-იქმნა-რად გრძნებათა მისთა ხელოვნებად და შესწირა მას სადიდებელი გალობად: ალილუია.

იკოსი 9

ჯუართა შემუსრე რად კერპნი მცბიერნი წინამძღუარმან დიდმან მორწმუნეთამან, საღმრთოთა შურითა

აღეგზნა ნეტარი დედოფალი ალექსანდრა და განემორა რად დიოკლეტიანეს - მოწაფესა ეშმაკისასა, ჳმა-ყო:
„ესე უწყოდით ამიერთგან, მე ვარ მკვევალი ქრისტესი, რომელსა ქადაგებს წმიდად გიორგი“, და მყის რწმენა
ქრისტე დიდსა სიმრავლესა ერისასა, ამისთვისცა განვიცდით მკურვალესა ღმრთისმოყუარებასა შენსა და
შეგასხამთ ქებასა ქებათასა:

გიხაროდენ, მართლისა სარწმუნოებისა მოციქულებრივ მქადაგებელო;
გიხაროდენ, უნანელთა სინანულად მომყუანებელო;
გიხაროდენ, ქუადქმნილთა და ფიცხელთა გულთა მომაღობელო;
გიხაროდენ, განძნებულისა ვეშაპისა კადნიერად მომწყვლელო და მომწყუდელო;
გიხაროდენ, ხარსა ზედა ქმნულითა სასწაულითა ყოვლად ნეტარისა ღლუკერისა ღმრთისა მომაქცეველო;
გიხაროდენ, ანატოლე და პროტოლეონ სტრატელათა ღუაწლთა შენთა თანა შემრა-ცხველო;
გიხაროდენ, სასწაულთა მიერ კრპთმსახურთა შემაშფოთებელო;
გიხაროდენ, ალექსანდრია დედოფლისა ჳემმარიტებისა გზასა ზედა დამაყენებელო;
გიხაროდენ, სიდრმესა უღმრთოებისასა დანთქმულთა სულთა ღმრთისა შესამეცნებელად აღმომქუმელო;
გიხაროდენ, სულთა ცოდვისა და ჳორცთა სნეულებისა აღმწოცელო;
გიხაროდენ, უძლეველო წინამბრძოლო ქართველთა ერისაო და მფარველო ჩუენისა ეკლესიისაო;
გიხაროდენ, ძლევაშემოსილო, დიდო მოწამეო გიორგი!

კონდაკი 10

განცვიფრდა დიოკლეტიანე და რისხვთა მიუთხრობელითა აღივსო, რამეთუ ხედვიდა სარწმუნოებისა
წარმატებასა და კრპთა უსულოთა დამდაბლებასა, თუ-ვითარ საპყრობილედ მოყვანებულნი უძლურნი შენ
მიერ საკვრველსა კურნებასა მიემთხვეოდეს, ხოლო ურიცხვ ერი და სიმრავლჳ მკედართად, ნიშთა მიერ და
სასწაულთა ახოვან-ქმნილნი და სულითა განმტკიცებულნი იესუს, ყოვლად ძლიერსა ღმერთსა ცხადად და
საცნაურად უგალობდეს: ალილუია.

იკოსი 10

დაელინეს ღონენი იგი სატანჯველთანი უწყალოსა მას მეფესა, რამეთუ ხედვიდეს სასწაულთა - არა
გკუეთდა ლახუარი, არცა ცეცხლი შეგწვიდა და არცა ჳარ-გცემდა შიში სიკუდილისა და რქუა ერსა თვისსა:
„აჳა ესერა, ვერარად ვავნეთ ჩუენ ტანჯვითა განდგომილსა მას, არამედ სხუანიცა აცთუნა მრავალნი“, და
მსგავსად სამსხუერპლომსა ჳუარაკისა განაჩინა შენი დაკლვად, ხოლო შენ გულითა შემუსრვილითა ევედრე
ღმერთსა, რადთა ნაწილნი შენნი, საღმრთოთა ძლიერებითა განიოტებდეს სენთა და ვნებათა, და სახელნი
შენნი, სარწმუნოებითა მოჳსენიებულნი, ჳკურნებდეს შენდამი მგალობელთა:

გიხაროდენ, ურწმუნოთა მტერთა მიმართ სამლეველო დიდო მკედარო ქრისტჳს ღმრთისაო;
გიხაროდენ, მოციქულთა სწავლისაებრ განმდევენელო მრავალღმრთეებისა წყუდიადისაო;
გიხაროდენ, წარუტყუვენელო ბჳეო მართლადმსაარებლობისაო;
გიხაროდენ, ფარო, დამცველო კეთილმსახურებისაო და მახვლო განმკვეთელო ბოროტმსა-ხურებისაო;
გიხაროდენ, ოქრო, ცეცხლისა მიერ გამობრძმედილო და მიძღვნილო უკუდავისა სიძისაო;
გიხაროდენ, მურო, ნელსაცხებელად შეწირულო უკუდავისა მეუფისაო;
გიხაროდენ, გუნდრუკო, აღკმეულო საღმრთოთა მის საკურთხეველისაო;
გიხაროდენ, ცეცხლო, დამწველო გულსა შინა ჩუენსა ყოვლისა ღუარძლისაო და კურომსთავისაო;
გიხაროდენ, უწმიდესო ვარსკულავო საღმრთოთა დიდებისაო;
გიხაროდენ, მიურულებელო მცველო და ქომაგო ივერთა მიწა-წყლისაო;
გიხაროდენ, უძლეველო წინამბრძოლო ქართველთა ერისაო და მფარველო ჩუენისა ეკლესიისაო;
გიხაროდენ, ძლევაშემოსილო, დიდო მოწამეო გიორგი!

კონდაკი 11

კრავთაებრ არა უხმობდი შენ და არცა ღაღადებდი დაკლვად რა ხვიდოდი, არამედ სულ-თქმით ილოცვედი ღმრთისა მიმართ და წამებისა შენისა მომქსენებელთა ვსნასა ყოვლისაგან ჭირისა და განსაცდელისა კანდიერად ითხოვდი, მაშინ გამოგიჩნდა ღრუბლითგან უფალი და აღგითქვა რა თხოვისა შენისა კეთილად აღსრულებად, შენცა სიხარულით წარუჰყარ ქედი შენი მახვლსა და მადლობისა ჳმითა უგალობდი განმამლიერებელსა შენსა: ალილუია.

იკოსი 11

სრულ-ჰყავ რა სრზად შენი და მიცივალე წინაშე ღმრთისა, მადლი არა წმიდათა სულთა განდევნისა და ხილულთა და უხილავთა მტერთა დათრგუნვისა და მოიღე ზეგარდამო, და ხატთა მიერ გამოწერილთა და ვედრებათა მოქსენებული მსწრაფლ შეეწევი ურვათა და კრულებათა შინა მყოფთა, ხოლო ნაწილთა შენთა წმიდად ლუსკუმად, ვითარცა რა სურნელებათა საუნჯე, სურნელგვყოფს მორწმუნეთა და აღგვძრავს ქებად და გალობად შენდა:

- გიხაროდენ, საღმრთოთა ღუაწლითა შენითა უჯორცოთა წესთა განმაცრვებელი;
- გიხაროდენ, ზუარაკო წმიდაო და უბიწოო, ქრისტესტვს სისხლისა დამთხველო;
- გიხაროდენ, ღმრთისა სათნოო ტარიგო, სასუფეველისა ნეტარებისა მომგებელი;
- გიხაროდენ, უფლისაგან არაწმიდათა სულთა ზედა კელმწიფებისა მიმღებელი;
- გიხაროდენ, ღმრთისმოყუარეთა გულთა შინა მადლისმიერისა სიხარულისა მიმფენელი;
- გიხაროდენ, სულიერთა ნიჳთა უხუად მიმმადლებელი;
- გიხაროდენ, უხრწნელთა ნაწილთა შენთა სურნელებითა და ნიშთა სიმრავლითა ყოვლისა სოფლისა განმასურნელებელი;
- გიხაროდენ, უძღურთა კურნებათა შენთა მადლითა განმამლიერებელი;
- გიხაროდენ, შეპყრობილთაგან ბოროტთა სულთა განმდევნელი;
- გიხაროდენ, მვედრებელთა მიმართ წყალობით მიდრეკილო და მოსავთა შენთა განმამწნეველებელი;
- გიხაროდენ, უძღველო წინამბრძოლო ქართველთა ერისაო და მფარველო ჩუენისა ეკლესიისაო;
- გიხაროდენ, ძღვეაშემოსილო, დიდო მოწამეო გიორგი!

კონდაკი 12

მართლმადიდებლობისა სარწმუნოებითა მოწყულმან, ვითარცა ამხილენ კერპთმსახურებისა სიციბილსა, ეგრეთვე აწ დაიფარენ ქრისტეს წმიდად ეკლესია მწვალებელთა თანა ერთობისაგან, რომელ არს მორევი სიბილწისა, ხოლო მტერი იგი მომსრველი მორწმუნეთა ქართველთა დაამჯუე და დასთრგუნე ერსა ჩუენსა ზედა აღძრული საიდუმლოდ იგი უშჯულოებისა, რათა არა ვიქმეთ საცინელ მტერთა ჩუენთა, არამედ სიყუარულითა ღმრთისა და მამულისაათა ერთ ზრახვად შეკრულნი ქებით აღვამაღლებდეთ გვრგვინოსანმყოფელსა შენსა: ალილუია.

იკოსი 12

დიდისა მეუფისა მწნეო მწედარო გიორგი, გუაჟურთხენ და გვიოხენ ჩუენ, რათა კაცნი ცრუნი და ურწმუნონი, რომელნიცა ჰგმობენ ჳეშმარიტსა ღმერთსა და აქუთ თაყუანის -საცემელად და სალოცველად თვსად მამონად, არასადა ღირს იქმნენ მთავრობად ერსა ჩუენსა ზედა და მიტაცებად მართლმადიდებელთა ქართველთა, არამედ განგვიმრავლდეს ყოვლისა ქართველთ ზნეობითა სრულ-ყოფილნი ერის-მძღუარნი, რათა სიწრფოებითა გულისაათა ზრუნვიდენ ერისა ჩუენისათვს და ჳურთხეულითა ენითა ქართულითა ჳნატრიდენ სიმწნეთა შენთა:

- გიხაროდენ, ნიშთა და საკრველებათა ცისკრითა მოსავთა შენთა განმანათლებელი;
- გიხაროდენ, მწუხარეთა ნუგეშინისმცემელი და ჳირთა მძწვარეთა მსწრაფლ განმდევნელი;
- გიხაროდენ, განწირულთა სიკუდილისაგან გამომქსნელი;

გიხაროდენ, ჭირვეულთა და ძვრ-ხილულთა ჯელის-აღმპრობელო;
გიხაროდენ, ბრძენთა და კეთილად მხედველთა აღმამაღლებელო;
გიხაროდენ, ქრისტესმოყუარეთა ერთა სულიერითა სიხარულითა აღმავსებელო;
გიხაროდენ, საწუთოდსა ბნელისაგან დამწუხრებულთა ნუგეშინისმცემელო;
გიხაროდენ, კეთილმორწმუნეთა მთავრობათა და მკედრობათა მაკურთხეველო და მწყალობელო;
გიხაროდენ, სარწმუნოებისაგან განდრეკილთა და უსჯულოებისა მომქმედთა ერის მთავართა და წინამძღოლთა შემრისხველო;
გიხაროდენ, ყოველთა მორწმუნეთა მიერ სამართლად პატივისცემულო და მარადჟამს ჯსენებულო;
გიხაროდენ, უძლეველო წინამბრძოლო ქართველთა ერისაო და მფარველო ჩუენისა ეკლესიისაო;
გიხაროდენ, ძლევაშემოსილო, დიდო მოწამეო გიორგი!

კონდაკი 13

ჟ, ღუაწლით შემოსილო დიდო მოწამეო გიორგი! განსაცდელთა შინა მყოფთა შემწე ხარ განმზადებულ და ჯელმწიფებად გაქუს განთავისუფლებად ჩუენდა ყოველთაგან ვნებათა და ვერაგობათა მტერისადათა, აწცა ნუ დასცხრები შემსხმელთა შენთათჳს ჯსნად გარე მოდგომილთა განსაცდელთაგან და ხელოვნებათა მძლავრისა ამისჲ მტერისადათა, რადათა განვერნეთ მწარეთა სატანჯველთა მათ საუკუნეთა და მარადის შენთანა უგალობდეთ ყოვლად-წმიდასა სამებასა: ალილუია.

ეს კონდაკი 3-გზის, შემდეგ